



## Universitätsbibliothek Paderborn

**Joannis Bonae, Eminentissimi S. R. E. Titulo S. Bernardi  
Ad Thermas Cardinalis Presbyteri Opera Quotquot  
hactenùs separatim edita fuerê Omnia**

**Bona, Giovanni**

**Antverpiae, 1677**

Cap. XI. Transitur ad Canonem. Ipsum interpolare illicitum. Varia ejus nomina. Origo & auctores investigantur. Agitur de prima Canonis oratione:  
In ea mentio Papae, Episcopi, & Regis fit. Orat ...

**urn:nbn:de:hbz:466:1-10805**

raptus est, & post horam in terram demissus narravit se hunc hymnum à cœlestibus spiritibus cantari audivisse, sibique præceptum impositum, ut populo denuntiaret, Deum illi propitium futurum, si eundem hymnum devote cantarent; atque ita eo decantato ab imminentि clade liberati sunt. Addidit postea huic hymno nequissimus vir Petrus Cnapheus Patriarcha Antiochenus hanc clausulam, *Qui crucifixus es pro nobis miserere nosiri, cā dolosē tegens heresim Eutychetis, qua infectus erat.* Fasti seriem, hujusque additamente condemnationem, & quicquid pertinet ad hoc Trisagion, congregat in notis ad can. 81. Concilii Trullani Christianus Lups.

Alterum notandum est, quatuor esse Liturgicos hymnos, ut ait Goar in notis ad Missam Chrysostomi, quorum primus est Angelicus *Gloria in exsilio Deo*, quem nato Domino Angeli cecinerunt. Secundus Cherubicus, quem Graci Cherubium voces æmulantes ante magnum introitum cantant dicentes „Qui Cherubim my-  
„sticè repræsentamus, & vivicanti Trinitati ter-  
„sanctum hymnum canimus, omnem secula-  
„rem deponamus sollicitudinem, tanquam Re-  
„gum omnium suscepturn, Angelicis invisibili-  
„ter stipatum agminibus. Alleluja. Hujus insti-  
“tutionem ad Justini tempora revocat Cedrenus.  
Tertius Trisagion, de quo supra, nempe *Sanctus Deus, Sanctus fortis, &c.* Quartus Epinicion, Deo tanquam Victori & omnium triumphatori ab omnibus post Prefationem decantatum. Obseruo nihilominus, plures ex Græcis scriptoribus secundum à tertio non distinguere, & tam illis quam ultimo Cherubici & Seraphici nomen pa- sim tribuerere.

#### C A P U T XI.

*Transitur ad Canonem. Ipsum interpolare illicitum. Varia ejus nomina. Origo & auctores investigantur. Agitur de prima Canonis oratione. In ea mentio Papæ, Episcopi, & Regis fit. Orat sacerdos generaliter pro cunctis fidelibus. Tum specialiter pro offerentibus. De nominum recitatione.*

I. **H**actenus sacerdos seipsum & stantes iis omnibus, quæ præcesserunt, ad tre-

menda mysteria in sacra Synaxi perficienda, tanquam præviis initiationibus dispositi & præparavit: jam proprius ad ea accedit, & elevatis in cœlum oculis, sursumque expansis manibus, quasi ingressus in Sancta Sanctorum, secretò cum Deo loquitur, ut rei divinae hac silentii gravitate major reverentia concilietur. Multa vero à sacerdotibus secretò dici usus antiquissimus est, ut ex Jacobi & aliorum Liturgiis, & ex can. 19. Concilii Laodiceni evidenter ostenditur. In vetustissimis Sacramentorum codicibus inter Præfationem & Canonem Christi crucifixi imago piæta conspicitur, qui ritus etiam hodie servatur, ut ejus aspectus in mentem celebrantis revocet cruentum illud sacrificium, quod in cruce semel oblatum quotidie in Ecclesia verè & realiter, sed actione incruenta renovatur. Ipsi imagini osculum figendum à sacerdotate, priusquam canonem incipiat, scribit Nicolaus de Plove in expositione Missæ, sed ex more singulare suæ Ecclesiae Pononensis. Addit Petrus ab Opmeer in assertione Missæ pag. 362. hanc orationem post hymnum triumphalem Canoni præmittendam. „Domine Jesu Christe fili Dei vivi, adjuva in-  
„firmitatem meam, & conforta me nunc in hac  
„hora: quia imperfectum meum vident oculi  
„tui. Adoramus te Domine Jesu Christe & be-  
„nedicimus tibi, quia per sanctam crucem tuam  
„redemisti mundum. Qui passus es pro nobis, mi-  
„serere nostri. At hujusmodi interpositiones,  
ut sèpè dictum est, inconsulta qnorumdam de-  
votione introductas nunquam approbavit Eccle-  
sia. Ut enim rectè ait Micrologus cap. 12.  
„Nimis temerarium videatur, ut nos aliqua Ca-  
„noni ad nostrum libitum adjiciamus, nisi que-  
„à sanctis Patribus adjecta vel adjicienda esse co-  
„gnovimus; præcipue cum inter ipsos sanctos  
„Patries nulli aliquid adjectissè legantur, nisi qui  
„Apostolica auctoritate prædicti hoc facere po-  
„tuerunt. Optimum ergo videtur, ut in hac  
„causa terminos patrum nostrorum non exceda-  
„mus, nec nos Apostolicæ auctoritatis reos effi-  
„ciamus, si, quod soli Apostolicæ auctoritati  
„competit, Canonem nostris interpositionibus  
„augmentare præsumamus. Ideo expunctæ sunt  
ab ipso Canone diversæ orationculæ, quæ in  
antiquis Missalibus M. SS. variis in locis inter-  
jectæ leguntur, quia tametsi ex se bona fuit, ei ta-  
men actioni non convenienti; & hæc semper sum-  
morum Pontificum cura fuit, ne quid irrepereret in-  
ordinatum, superfluum, aut superstitionis. Inci-  
pit ab oratione Te igitur clementissime Pater, usque

ad orationem Dominicam, quæ absoluto Canone alta voce recitatur. Nomen canonis tempore Gregorii Magni in usu erat, nam lib. 7. epist. 64. referens quorumdam adversus se murmurationes, hoc inter cetera querelarum caput enumerat, quod orationem Dominicam mox post canonem dici statuisset. Et lib. 11. epist. 59. narrat Januarium Episcopum Calaritanum tempore, quo sacrificium celebrabat, tantam passum frequenter angustiam, ut vix post longa intervallo ad locum Canonis, quem reliquerat, redire valeret. Canon autem regula est, qua voce usâ est Ecclesia, ut indicaret hanc esse regulam fixam & stabilem, qua novi Testamenti sacrificium celebrandum est. Idem Gregorius eadem epist. 64. lib. 7. precepit vocat, eo loquendi genere, quo nonnunquam Patres utuntur, dum verba consecrationis preces nuncupant, quia sunt verba sacra: neque enim totus Canon ex precibus contextus est. Haymo Halberstadiensis explicatus cap. 2. epist. 1. ad Timoth. *Orationes*, inquit, sunt, quas iudicis Sacerdos in consecratione Eucharistiae. In Concilio Eboraensi tempore Celestini III. Secretum Missæ numeratur his verbis: „Quia secretum Missæ frequentier invenitur, aut Scriptorum falsitate, aut librorum vetustate corruptum, ita ut distinctè legi non possit, Archidiaconorum sollicitudo provideat, ut in singulis Ecclesiis ad verum & probatum exemplar Canon Missæ cum omni diligentia corrigitur. Ab aliis Actio dicitur, quia in eo, ut ait Walfridus, dominica sacramenta conficiuntur. Atque hinc intelligitur, qua de causa, cum aliquid in ipso canone in oratione quæ incipit *Communicantes* addendum est, quod in Christi Domini festivitatibus fieri solet, titulus apponatur, *Infra actionem*, quia nimis actio sacrificii ibi propriè continetur. Hic verò titulus *Infra actionem* ante ipsum *Communicantes* in editis Missalibus paucim reperitur.

II. Auctorem canonis quidam fuisse putant Gelasium Papam, alii Museum Presbyterum Massiliensem, alii Voconium Episcopum Castellanensem in Mauritania, qui teste Gennadio libros sacramentorum componuerunt. Aldelmus Episcopus lib. de laudib. Virginitatis cap. 23. à Gregorio Magno editum exsuffmat. At ipse Gregorius Epist. prædictata ait à Scholastico compotitum, sed quo tempore id factum fuerit, non dicit. Jacobus Janssonius in suis Liturgicis lib. 3. cap. 11. per precepit, quam Gregorius ait à Scholastico compotitam, non putat canonem intelligi debere, sed aliquam orationem actioni Missæ in

sertam. Reverâ tamen de canone ibi Gregorium loqui, ipse contextus Epistolæ evincit. Miras nugas de hoc Scholastico quidam scribunt, præfertim Eterodoxi Misoliturgi; cum manifestissimum sit, in predictâ Gregorii Epistola nomen Scholastici non esse proprium alicujus hominis, sed accipi pro viro docto & eruditio, quales olim fuerunt qui scholis Christianorum præfiebantur, ut conversos ad fidem erudirent. Augustinus tract. 7. in Joannem, *Qui habent causam, & volunt supplicare Imperatori, querunt aliquem Scholasticum Jurisperitum, a quo sibi preces componantur*. Salvianus in Praefatione libri de gubern. Dei. *Id facere annis sunt, ut Scholastici ac diserti haberentur*. Hieronymus de virtus Illustr. Serapion Episcopus ob elegantiam ingenii cognomen Scholastici meruit. Quicunque autem fuerit ille Scholasticus, à quo Canonem compositum indicat Gregorius, certum est antiquiorem fuisse Gelasio & aliis supra nominatis. Nec credendum Polydoro Virgilio, qui lib. 5. de Invent. rerum cap. 10. à multis Pontificibus compactuar asseverat: licet enim aliqui paucula quedam verba adjunixerint; ipsum tamen, ut Vigilius Papa Epist. ad Eucherium, ex Apostolica traditione suscepimus. Concilium quoque Tridentinum sess. 22. cap. 4. constare Canonem docet ex ipsis Domini verbis, ex Apostolorum traditionibus, ac sanctorum Pontificum institutionibus. Observandum nihilominus, neminem ex Pontificibus post Gregorium Magnum, quidpiam addidisse aut immutasse. Hoc solum legimus apud Anastasium, quod saeviente Leonis Isaurici Imp. adversus imagines & reliquias Sanctorum acerrima persecutione, Gregorius III. Oratorium aedificavit in honorem omnium Sanctorum, quorum reliquias toto orbe collectas in eo collocavit, ac ibidem eorum natalitia à Monachis trium Monasteriorum Basilicæ S. Petri servientibus celebrari præcepit, & à sacerdote in ipso Oratorio Missas a gente hanc clausulam in canone post illa verba, & omnium sanctorum tuorum, dici instituit: *Quorum solemnitas hodie in conspectu tuae majestatis celebratur, Domine Deus noster, in toto orbe terrarum*. At hoc specialiter pro illo oratorio institutum fuit, atque ideo, ut notat Walfridus cap. 22. non est Canoni, qui generaliter dicitur, adnotatum: cumque plura viderim Missalia M. SS. in uno dumtaxat hæc verba adscripta reperi, quod extat in Bibliotheca Barberina cod. 1858. Idem Walfridus canonem per partes compositum fuisse ex eo arguit, quia nomina

Aaaa 3

San-

Sanctorum in duobus locis posita sunt; quæ sānē levissima conjectura sive suspicio est, nullā veterum Patrum auctoritate comprobata. Primam verò partem ex eo conjicit antiquissimam esse, quia nomina Apostolorum non sunt eo ordine cīgesta, quo in emendationibus Evangelii inventiūntur. Idque fortassis hac de causa evenisse putat, quia pars illa prius composita est, quam Evangelia ad eam veritatem, quæ nunc habetur apud Latinos, corrigentur, cuius rei S. Hieronymum testēm producit. Porrò Canon penē ad verbum reperitur apud Ambrosium lib. 4. de sacramentis. Auctor item quæstionum veteris & novi Testamenti apud Augustinum tom. 4. qui quæst. 44. se scribere restatur annis trēcentis post elapsas Danielis hebdomadas, hoc est integro sc̄culo ante Gelasium, afferit quæst. 109. Melchisedech esse quidem sacerdotem, sed non summum, ut inquit, in oblatione p̄fūsum Antistites: in oratione scilicet quæ incipit, *Supra quæ propitio ac sereno vultu.* Alludere etiam ad Canōnem mihi videtur Optatus Milevitani lib. 2. his verbis: *Offerre vos dicitis pro Ecclesia toto terrarum orbe diffusa.* Sed his generaliter p̄missis operis ratio postulat, ut singulas ejusdem Canōnis partes percurramus.

Prima oratio est, *Tē iōit̄ur Clementissime Pater,* quam referens Haymo Halberstadiensis in 1. Timoth. c. 2. omittit hæc verba *supplices rogamus*, brevitas causa, ut puto, nam extant in omnibus M. SS. Ad hanc respexit Vigilius Papa sic scribens in epist. ad Julianum Imperatorem: *Omn̄es Pontifices antiquā in offerendo sacrificia tradizione depositiū, ut Catholicam fidem adunare, regere Dominus, & custodire toto orbe dignetur.* Et primò quidem offert Sacerdos pro Ecclesia, deinde pro Papa. Hæc tessera unitatis Ecclesiæ est, in qua, ut ait Cyprianus epist. 76. ad Magnum, *non nisi concordes & unanimes habitant:* hæc nota unionis membrorum cum capite, quænt idem Cyprianus scribit epist. 52. & 55. cum Ecclesia Catholica ille communicat, qui cum Romano Pontifice consentit: & à Petri cathedra unitas sacerdotalis exoritur. Teste item Irenæo lib. 3. cap. 3. ad Romanam Ecclesiam propter potentiorēm principalitatēm necesse est omnem convenire Ecclesiam: quia nimis, ut scribit Augustinus epist. 162. *semper in ea vīgit Apostolica cathedra principatus.* Unde constat, inquit Pelagius Papa citatus ab Alcuino, ab universi orbis communione separatos esse, qui qualibet diffensione inter facia mysteria Apostolici Pontificis memoriam

secundūm consuetudinem frequentant. Refert Nicephorus lib. 16. cap. 17. Acacium Constantinopolitanum primum omnium Papæ nomen (erat tunc Felix. II.) ē sacrī tabulis erasissē, quod nemo ante eum tentaverat, quamvis in eo throno plures Episcopi hæretica labi infecti sedissent. Idem aulus est in Ecclesia Alexandrina impius Dioscorus, pronunciato adversus Leonem Magnūm anathemate. Episcopi quoque orientales eodem spiritu divisionis imbuti, Athanasium causā fidei perseguentes, ut scribit Sozomēnus lib. 3. cap. 10. à Julio Romano Pontifice recesserunt. Patres verò orthodoxi semper Papæ nomen in Liturgicis precibus commemorarunt; quod cum in aliqua Galliarum Ecclesia fortassis prætermitteretur, id Concilium Valesiense II. præcepit hac lege edita can. 4. *Nobis justum visum est, ut nomen Domini Papæ, quicunque Apostolicæ sedi præfuerit, in nostris Ecclesiis recitetur.* Ennodius Ticinensis in Apologia p̄ synodo, nullo unquam tempore à nominis Papæ, Symmachus videlicet, commemoratione cessatum esse asserit, dum sacra Missarum solemnia celebrarentur, quo argumento ostendit ipsum, non Laurentium, legitimū Pontificem fuisse. In Liturgia quæ Marci nomine inscripta est, Papæ mentionem ter fieri legimus, sed cuius aevi illa sit ignoramus. In Liturgiis Jacobii, Basillii, & Chrysostomi generalis commemoratione omnium Episcoporum fieri solet hac formula: „Memento Domine sanctorum Patrum, qui in Ecclesia catholica sunt, & fratum nostrorum ac Episcoporum, qui per universum orbem orthodoxè administrant verbum veritatis tuæ. An verò primis sc̄culis Græcia orthodoxa mentionem fecerit Romani Pontificis, non liquet. Isaacius Habertus ad partem VII. Pontificalis Græcorum observat. 12. tunc putat Papam cœpisse in sacris nominari, cum reliquorum Patriarcharum mentio fieri cœpit, cuius conjecturæ nihil habeo quod opponam, nisi aliquid certius elucescat. Nunc teste Arcadio lib. 3. cap. 39. Antistitutum mentio à Græcis hoc ordine fit. Presbyter pro suo Episcopo orat, Episcopus pro Archiepiscopo, seu Metropolita, is verò pro Patriarcha: Hunc autem orasse olim pro summo Pontifice addit Arcadius, nullum afferens testimonium ad suæ sententiae confirmationem. Testatur Habertus in quibusdam exemplaribus Liturgiæ Chrysostomi legi hæc verba. Nicolai sanctissimi universalis Papæ longa sint tempora, quæ vivente Nicolao primo ab aliquo Patriarcha addita putat. Habemus autem hujus rei anti-

antiquius monumentum in Divali sacra Constantini Pogonati Imperatoris ad Agathonem Papam Concilio sexto praedita, in qua afferit se Patriarchis illorum partium restituisse postulanticibus ut nomen Papæ à Diptychis expungeretur, donec eorum, quæ inter Romanam & Constantiopolitanam sedem controversa erant, inquisitio fieret & satisfactio. Hinc quoties actum est de unione utriusque Ecclesie, id semper inter cetera stabilitum fuit, ut nomen Papæ in sacrificio recitaretur. Petuit hoc à Michaeli Palæologo Urbano IV. ut scribit Nicetas lib. 5. Hoc idem exegit Gregorius X. teste Nicephoro Gregorio, qui factam refert concordiam sub certis conditionibus, quarum prima fuit, ut in sacris hymnodiis Papæ mentio fieret cum quatuor Patriarchis: quam conditionem adimplerat fuisse narrat Gregorius Pachymeres in historia nuper edita ex Bibliotheca Barberina lib. 5. cap. 22. duo afferens subsecuta esse ex adventu legatorum pacem factam referentium, Patriarchæ Ichnimatici exauctorationem, & publicam Papæ in sacro commemorationem. Celebratâ enim synaxi die primâ Augusti, mentio Papæ proprio loco per Diaconum facta est, & Gregorius summus Pontifex Apostolicae Ecclesiae ac Oecumenicus Papa proclamatus. Ducas quoque in historia Byzantina cap. 36. celebratam ait Constantino-poli Liturgiam in magna Ecclesia anno 1452. praesente Ilidoro Cardinali Legato, in qua Nicolai Papæ facta est commemoratio, plerisque repugnantibus, & à sacris donis abstinentibus ob initam concordiam cum Latinis, quos acriter perstringit Ducas, eosque meritò ait in Turcarum manus devenisse. Summo Pontifici singulæ Ecclesie proprii Antistitis commemorationem subjungunt, quæ in omnibus M. SS. sacramentorum libris, & in omnibus Græcorum Liturgiis reperitur.

Addunt Græci nomen Imperatoris, & aliquot Latinae Ecclesie nomen Regis ex Apostolica traditione, præcipiente Paulo 1. ad Timotheum cap. 2. ut fiant orationes pro Regibus, & omnibus, qui in sublimitate sunt, idque etiam pro infidelibus, quales erant qui Paulo vivente regnabant. *Sacrificamus pro salute Imperatoris*, ait Tertullianus ad Scapulam cap. 2. sed Deo nostro & ipsius, sed quomodo præcepit Deus, pura prece. Idem hoc argumentum fuisus prosequitur in Apologetico cap. 30. & 31. Sic etiam Arnobius loquitur lib. 5. contra gentes. „Nostra scripta cur ignibus mœruerunt dari? cur immaniter conventicula

„dirui, in quibus summus oratur Deus; pax cunctis & venia postulatur, magistratibus, exercitibus, Regibus, familiaribus, inimicis, adhuc vitam degentibus, & resolutis corporum vincione. Sic Dionysius Alexandrinus apud Eusebium lib. 7. hist. cap. 11. „Nos unum Deum rerum omnium opificem, qui Valeriano & Hallieno sacratissimis Augustis imperium tradidit, colimus & adoramus. Huic continuas preces offerimus pro imperio illorum, ut stabile & inconcussum permaneat. Sic Origenes lib. 8. respondens Celsi qui Christianos hortabatur ad gerenda bella pro Imperatore; *Laboramus, inquit, pro imperio Romano, dum justè viventes pro eo vota facimus.* Et suprajam dixerat, nos ferre auxilia Imperatori, sed divina, idque Apostoli monitis obedientes. Consonant Justinus martyr *Apolog. 2.* Melito Sardianus in libro pro Christianis ad Antoninum Imperatorem, quem laudat Eusebius lib. 4. hist. cap. 26. Athenagoras in fine suæ legationis. Imò etiam pro Constantio Imperatore hæretico Liturgicas preces habitas testatur Athanasius in Apologia ad ipsum Constantium. Quod si pro impiis & infidelibus in sacris conventibus depreciationes fieri constueverunt, quantò magis pro christianis & orthodoxis? Ita lib. 3. arguit Optatus Milevitanus dicens, „Merito Paulus docet orandum esse pro Regibus & Potestatibus, etiam si talis esset Imperator, qui gentiliter viveret. Quantò magis quod Christianus, quantò quod Deum timens, quantò quod religiosus, quantò quod misericors? Sequitur. Et omnibus Orthodoxis, atque Catholicæ & Apostolicæ fidei cultoribus. Quæ verba desunt in antiquo Ordine Romano, & in libro Sacramentorum S. Gregorii M. S. Bibliothecæ Vaticanæ Palatinæ cod. 495. itemque in vetusto Missali Vaticano cod. 4770. Eaque superflue ponit notat Micrologus. c. 13. Nam *Ordo*, ait, statim in sequenti versu, ubi dicitur *Memento Domine, nobis concedit, ut omnium virorum commemoremus quoscunque voluerimus.* Et cap. 23. describens Canonem ea omittit, sequitus numerum Ordinem Romanum, in quo non extant. Sed merito addita esse nec superflua censerit ex eo evidens fit, quod per ipsa omnes fideles vivi generaliter commemorantur: at in sequentibus *Memento Domine*, offerentium dumtaxat commemoratione propriè fit, & ibi olim ex sacris tabulis quorumdam nomina legebantur, ut mox videbimus. Ita sicut Alcuinus. „Cum dicitur *Memento Domine famularum famularumque tuarum,* „& sic

, & sic deinde subjungitur, & omnium circumstantium, manifestum est, quod quasi quidam locus sit, ubi aliquibus specialiter nominatis, etiam ceterorum qui assistunt in Ecclesia commemoratio adjungatur. In quo loco liberum est Sacerdoti, quos desideraverit peculiariter nominare. Aut certe illud ab antiquis est observatum, ut ibi offerentium nomina recitarentur.

V. Post illa verba & omnium circumstantium, five circumstantium, addunt quidam libri omniumque fidelium: sed omnino reicienda haec additione tanquam superflua; nam in fine praecedentis orationis praemissa est pro omnibus fidelibus deprecatione illis verbis, & omnibus orthodoxis. In aliis codicibus post eadem verba & omnium circumstantium, haec adduntur; Et eorum quorum nomina ad commemorandum conscripsimus, ac super sacram altare tuum scripta adesse videntur. Haec autem sulpicior substituta à quibusdam nominum recitationi, postquam pratermitti coepit, ut saltem generalis eorum mentio fieret, pro quibus orandum erat, posita super altari charta, in qua singillatim omnes descripti forent. Haec formula orandi per verbum Memento extat in omnibus Liturgijs, Jacobi, Marci, Basili, Chrysostomi, & aliorum, & in quibusdam saepius repetitur: quod à SS. PP. sapientissime constitutum est, nam ut ait Augustinus, meminisse Dei adjuvare est. In quibusdam M. SS. priusquam sacerdos pro aliis oret, hanc pro seipso orationem praemittit. „Memento mei quia & miserere, licet haec indigè tibi sancte Pater omnipotens, aeternus Deus, meis manibus offerantur sacrificia, qui nec invocare nomen tuum dignus sum. Sed quoniam in honore, laude & memoria gloriosissimi dilecti filii tui Domini Dei nostri Iesu Christi offeruntur, sicut incensum in conspectu divinae majestatis tue cum odore suavitatis accendantur. In Missali Vaticano num. 4770. oratio incipiens Memento, sic concepta est: „Memento Domine famulorum familarumque tuarum, quorum commemo rationem agimus, & qui nobis bona fecerunt, & qui de eleemosynis suis commemoraverunt loca sanctorum, & qui nobis confessi sunt, & qui se nostris orationibus commendaverunt, & pro quibus orare polliciti sumus. Re tributor omnium bonorum retribuat illis bona in vitam aeternam. Et omnium circumstantium. Eadem ferè formula reperitur in Missali Palatino ejusdem Bibliotheca Vaticanae num. 499.

Memento Domine mei peccatoris & pessimi in bonum aeternum: & omnium quorum ego eleemosynas suscepi, & quorum confessionem peccatorum audivi, & quorum manus in memoriam familiaritatis suscepi, & qui mihi amicitia vel cognitione junguntur, etiam illorum qui mihi emendabiles intimi sunt; & famularum familiarumque tuarum, &c. In Missali Bibliothecæ Barberinæ num. 1858. post illa verba primæ orationis, „Apostolicae fidei cultoribus, haec subduntur: Mihi quoque indignissimo famulo tuo propitiis esse digneris, & ab omnibus meis delictorum offensionibus me clementer emundare dignare. Et immediatè sequitur Memento, praemissa haec inscriptione, Petrus secunda. Recita nomina. In multis post Memento haec vox parenthesi inclusa vel minio exarata legitur, Nomina, quia videlicet hoc loco nomina recitabantur. In aliis vel diverso charactere, vel in margine scriptum est: Hic recitantur Nomina. In Missali ejusdem Bibliothecæ Barberinæ circa annum 900. conscripto num. 326. post verba: „Et nota devotio, haec interfertur, Mihi quoque indigno famulo tuo peccatori propitiis esse dignare, & cum his omnibus meis cunctis emunda delictis, pro quibus tibi offerimus, &c. In alio quod erat Cardinalis Beffaronis, in margine è regione verbi Memento scriptum est Beffaronis Episcopi, Theodulæ matris eius, Georgij & Basili. Haec verba, Pro quibus tibi offerimus, desunt in antiquo Ordine Romano, & in aliquo M. SS. eaque omittit Micrologus cap. 23. & superflua esse ait cap. 13. quia in antiquioribus & veracioribus sacramentariis, offerentes non nisi in tercia persona reperiuntur. At non esse superflua, ut alias rationes omittam, usus omnium Ecclesiæ evincit. In libro Sacramentorum saepius laudato ante annos nongentos scripto, Dominica tertia Quadragesimæ, in qua fieri olim solebat Scrutinium electorum, fit specialis mentio susceptorum his verbis: Memento Domine famulorum familarumque tuarum, qui electos tuos suscepimus sunt ad sanctam gratiam baptismi tui: & recitantur nomina virorum & militum, qui ipsos infantes suscepimus sunt. Quo verò tempore omitti cœperit haec nominum recitatio, incertum est. Remigius Antistiodorensis, qui vivebat anno Christi 900. lib. de celeb. Missarum, Etiam hodie, inquit, Roma Ecclæsia recitat nomina ex Diptychis. Author item Micrologi, quem post annum 1085. clausisse ex eo appareret, quod Gregorii VII. & Anselmi

Anselmi Lucensis meminerit, recitanda nomina moneret post *Memento*, sed non die Dominico. Idem mos recitandi nomina in sacrificio, vigebat eo tempore in monasteriis, ut patet ex *Vitae III. Rom. Pontifice*, olim Desiderio Abate Montis Casini lib. 1. *Dialogorum*, ubi refert miracula Joannis Lucensis Praepositi Monasterii. De iisdem nominibus agit *Honorius scriptor XII. saeculi in Gemma animae lib. 1. cap. 107.* cā tamen ratione, ut satis clarè indicet, jam tunc illam recitationem in desuetudinem abiit cœpisse. Cur verò die Dominico nomina non recitarentur, fateor me ignorare.

## CAPUT XII.

*Diptycha quid sint, & quot eorum genera, qui usus. Inscripta eis nomina vivorum & defunctorum. De solis vivis hic agitur. Cur fiat in Canone quorundam Sanctorum commemoratio. Quædam notatu digna de Cosma & Damiano. Diversos fuisse mores Ecclesiarum in hac Sanctorum commemoratione. De oratione Hanc igitur oblationem, ejusque variis formulis apud Antiquos.*

I. **Q**uoniam de Diptychis sape mentio facta est, & oratio, quæ *Memento* incipit, in quibufdam Missalibus M. SS. *Oratio super Diptycha* suscribitur, explicare hic breviter oportet, quid ea sint, & quis eorum in sacris usus fuerit. Diptychorum nomen à *Prychis*, id est plicis derivatur: unde *Diptycha* tabulæ sunt, quæ duas habent plicas, de quibus, earumque profano usu plura ex Ethniciis scriptoribus congerit Heribertus Rosvuedus in *Onomastico ad Vitas Patrum*. Erant & *Triptycha* atque *Pentaptycha*, triplices nimirum & quintuplices tabule, de quibus Turnebus libro 9. *Adversar. cap. 23.* Publica etiam ratiocinia *Polypticha* à Græcis dicta asserit Gothofredus ad l. 2. de *discussoribus lib. 10. Codicis*, quod illæ chartæ multas plicas haberent: quæ vox à Gregorio Magno lib. 7. epist. 40. *Indict. 2. à Cassiodoro lib. 5. epist. 16. a Marculfo in Formulis*, & ab aliis passim Latinis scriptoribus eo sensu usurpatur. Invenio autem tria fuisse genera Diptychorum sive tabularum, quibus nomina in singulis Ecclesiis inscribebantur. Pri-

mum erat peculiare Episcoporum, eorum præsertim, qui illam Ecclesiam rexerant, dummodo probitate ac sanctis moribus claruissent. Secundum vivorum, in quibus eorum nomina descripta erant; qui adhuc viventes, dignitate aliqua, vel beneficiiis illi Ecclesiæ collatis conspicui, vel alio titulo benemeriti erant. In his primo loco Romanus Pontifex, tum alii Patriarchæ, & proprius Antistes; ac reliqui clero adscripti recentebantur: postea Imperator, Principes, Magistratus, & populus fidelis. Tertium erat mortuorum, qui in catholica communione dececerant. Usum verò Diptychorum, eorumque lectioem intra Missarum solemnia vel ab Apostolis, vel ex illorum institutione seu traditione, ab immediatis successoribus cœpisse satis constat ex iis, quæ supra Cap. VIII. de nominum recitatione ex præfatis Patribus allata sunt. Quod autem spectat ad primum genus pro solis Episcopis cum opinione sanctitatis vita functis, eam inscriptionem speciem quamdam habuissæ canonizationis seu beatificationis, fidem facit Dionysius in theoria capitii tertii eccles. Hierarchiæ. „Sacrarum, „inquit, tabularum recitatio deprædicat eos, qui „sanctè vixerunt, & ad studiofæ virtutis perfectiōnem constanter pervenerunt. Nos quidem eorum imitatione ad beatissimum illum statum „quietemque deiformem adhortando ac manuducendo: illos verò ceu viventes celebrando, „quippe ut Theologia docet, nequam mortuos, sed ex morte ad vitam divinissimam „translatos. Ideo Ecclesia sollicitè semper carvit, ne sanctorum Episcoporum nomina ob quorundam pravorum hominum calumnias, vel ob errores proborum è sacris Diptychis expungrentur. Hæc enim expunctio poena erat illis sollis interrogata, qui vel à fide defecerant, vel ob aliquod crimen à communione Fidelium abstenti erant. Notæ sunt diuturnæ altercationes de Chrysostomi nomine in Diptycha referendo, in quibus ipsum scribere multi renuebant, eò quod à Theophilo Alexandrino exauktoratus, tametsi iniquâ sententiâ, & non absolutus mortuus esset: qui de re rescribens Theodoretus lib. 5. hist. cap. 34. ait Episcopos Occidentis non prius cum Episcopis Ægypti, Orientis, Bosphori, & Thraciæ communicare voluisse, quam nomen illius sanctissimi viri in tabulas defunctorum Episcoporum retulissent. Et quidem S. Cyrilus Theophili nepos, & in Cathedra Alexandrina successor, diu renuit Chrysostomum recipere, ut ex ejus & Attici litteris constat, quarum partem

Bbbb

Facun-